



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 474. De iurnalibus traditis in villa Asikinthorpe intra pagum maiorem
Emisgo et intra pagum Laingo.

urn:nbn:de:hbz:466:1-36114

Ab anno 1014 vique 1037 regnante Heinrico II.

brun clericus et pro fratre suo bernhardo mansum et XXX iugera in uillis *uerellidde* (q) et *sugila*.

§. 474.

Tradidit franco pro fratre suo immed in *afikinthorpe* (r) LX. II iugales et unum mancipium.

§. 475.

ma enim Hludouici iam mentionem fecit ecclesie in Saxlinga. Credimus ergo, eundem auctorem fidem decoxisse, dum l. c. asseruit, *Hunonis* patrem fuisse *Udonem* marchionem et matrem *Idam*, nec non sororem *Hunonis* fuisse *Rixam*, ex qua natus sit *Egilmarus*, factor comitum de Oldenburg. Marchiones Stadenfes, ad quos referendus est *Udo*, in Rustringia, Stedingia, Laringia atque Ambria bona sua hereditaria possedisse, licet sic auctor Chron. Rastad. l. c. praedicer, omnino negamus, necdum a quoquam demonstratum esse censemus. Quamuis enim Henricus IV Adalberto Hemmaburgensi archiepiscopo in diplomate apud Lindenbrogium n. 27. p. 142. obuius et ad annum 1062 Ratisbonae promulgato, tradiderit, *Udonis* marchionis comitatum in *Angeri* fuisse situm; ex eo tamen non sequitur, designari *Angariam* in occidentali regione nostramque Ambriam. Procul dubio sita erat *Angaria* illa in orientali regione, ad quam v. g. spectabat Wimodia pagus. Perperam ergo *Udonem* historici haecenus nominarunt *archicomitem Rustringiae* atque *Ambriae*. Pagus enim *Riuistri* quamuis ad Bremensem relatus fuerit episcopatum, ipse inter Frefonam pagos tamen recensetur ab auctore vitae Hludouici pii. In Frefia autem marchionatum fuisse vllum, e veterum chartis et documentis nondum licuit vlli demonstrare.

De villis Werelidde et Sugila in pago Emisgo.

(q) *Werelidde* et *Sugila* villas collocat abbas noster Saracho in *Emisgo* in pago *Agyrotungun*. Sine dubio designat vicos *Werle* et *Sogel*, in inferiori episcopatu Monasteriensi, vulgo dicto das Emsland sitos. *Emisgo* poni ab abbate pro pago maiori, qui pagum specialem *Agyrotungun* sub se comprehenderit, res ipsa loquitur. Patet autem ex his donis, *Brunonem* clericum eundem fuisse, qui supra (§. 464) bona quaedam tradidit in pago *Agyrotungun* in villis *Hwinni* et *Linthi* sita, eundemque e familia quadam illustri ortum traxisse, cum in diuersis pagis atque in meditullio comitatus Oldenburgici bona hereditaria tenuerit. Ad quam ergo aliam familiam eundem referamus, quaeso, quam ad Oldenburgensem? Magna itaque cum veritatis specie nos illum filium dixisse *Hunoldi III*, omnino arbitramur.

De villa Afikinthorpe in pago Emisgo.

(r) Teste Sarachone in Registro B. et P. A. C. villa *Afikinthorpe* erat posita in *Emisgo* in pago *Laingo*. Patet ex hoc primum, *Emisgo* fuisse pagum maiorem, et deinde in Emslandia obuium fuisse pagum *Laingo*. Diuersus itaque hic *pagus Laingo* esse debuit primo a pago *Lagne* in principatu Göttingensi, deinde a pago *Lagingo* in praefectura Wolpe, tum a pago *Laingo* in ducatu Luneburgico circa locum Soltow, et denique a pago *Laginagowe* in Landgraviatu Hassiae ad flumen Lanam. Per *Afikinthorpe* designari vicum *Afchendorp* in Monasteriensi episcopatu non procul ab Herbirum ad Emisam fluuium, est probabilissimum. Ad quam vero familiam spectauerint *Franco* eiusque frater *Immed*, id nondum patet. *Immedi* tamen nomen indicare videtur, eos ad tribum Immedingam et stirpem Widikindeam pertinuisse. Fortasse illi *Gorberti*, qui circa annum 950. praefectus erat in Frisia, filii fatoresque fuerunt comitum de *Vechta*, de quibus vide supra §. 392. *Afchendorpe* enim olim spectasse, dicunt, ad comitatum Vechtensem, quem Bremam inter et Osnabrugam vrbes in tractu finitimo oppidi et praefecturae Wildeshufen et Cloppenburg, et in terminis dioeceseos Osnabrugensis et comitatus Diepholtani situm referunt. Eidem aiunt, praefecturae *Vechte* subesse XV parochias, et sub vna praefectura saepe comprehendi X vel XII villas, atque in eadem praefectura XXXI deprehendi structuras nobilium, qui germanice appellantur *Burgmänner*. Conf. Monumentorum Monast. Decuriam primam I. H. Nunningi p. 94 seqq.